

655
151

QUÆSTIO MEDICA,

QUOD LIBETARIIS DISPUTATIONIBUS

manè discutienda in Scholis Medicorum, die

Jovis trigesimâ Decembris.

M. CLAUDIO JOANNE-BAPTISTA DODART,
Doctore Medico, Præside.

Est-ne cerebrum, omnium corporis functionum principium?

I.

VITA hominis sensu, motu, intellectu, memoriâ, voluntate constat. Servatur humoribus spiritibusque per totum corpus circumfluis. Humores & spiritus perpetuò dissipabiles instaurantur alimentis. Sensus per solum cerebrum; motus partium, à solo cerebro, humorum, à cerebro per cor; procreationis incipiendæ, perficiendæ, alendi, augendi, propagandi corporis principium cerebrum per suas appendices, id est per viscera glandulasque omnis generis quibus, influxu spirituum, afflatu fermenti, vigorem omnem conciliat; ut illius in totâ vivendi medendique ratione summa habenda sit ratio. Intelligere, meminisse, velle, non à corpore, non in corpore, sed in animo; non tamen, quamdiu vivitur, sine corpore, etiam dum sine imaginibus, æterna & ab omni corporis concretionem disjunctissima contemplatur. Corpus tardare potest intelligentiam, impedire potest; omninò coercere, aut ulla ex parte juvare non potest. Sensus non à corpore, non in corpore, sed in animo: non tamen sine corporis commotione, quamdiu corpore conclusus est. Commotio, sensus non causa, sed occasio. Motus spontaneus totus est in corpore, totus sit per corpus, non sine mentis imperio, post mentis imperium, non per hujus imperium, quod motus occasio, non causa. Sola motus causa, non conjunctio mentis cum corpore, nec hujus imperium in corpus, à quo quosdam accipit impetus: sed vis institutionis divinæ, qua sancitum est ut quamdiu mens in corpore tenetur tanquam in tabernaculo, tamdiu hoc ad nutum movere, agere, circumferre possit. Hujus legis Autor Ille Ipse, qui res toto genere diffinit, alteram immortalem, quia incorporea, simplex; alteram interituram, quia multiplex, admodum dissipabilis, atque ideo tum internis, tum externis injuriis opposita, conjungit in unum animal, hominem. An muscoli omnes ad nutum moventur sive vitæ necessitate, sive consuetudinis lege motus elicitur?

II.

CORPUS solum sensu percipitur, non sola species corporis. Sensus omnis quidam tactus. Imago sensibilis, motu quodam à corporibus externis impressi, corpus humanum totum tentat, sensorium præter ceteras partes maxime commoveret, per sensorium nervos, per nervos spiritus, per spiritus cerebrum. Ita & lux per se, & colores omnes, per lucem refractam; reflexam, a que aut veri aut apparentes, feriunt oculos; aures ætris undulatio placida, aut arguta vibratio, aut explosio vehemens, quibus & totum corpus afficitur; nares odorabilem assu-

2
via; linguam sales ipsi; cutim ipsa corpora, aut aer commotus. Oculorum, aurium, narium, linguæ, cutis affectione: cerebrum commovent; quod, motum suscipit quidem, at non percipit; quia corpus est. Corpus moveri potest, pati, dividi; motum aut vim percipere, id est sentire non potest. Solus hoc potest animus, idque vi instituitur cerebri commoti in animum impressionis. Magno miraculo; cum imago impressa corpori nihil aut perparum habeat similitudinis cum his per quæ est impressa & adversa habeat multa in visione; præterea autem sensus animi ab impressione corporeâ non minus differt, quam rerum incorporearum idcirco à verbis, eas, humanâ tantum institutione, significantibus. Cerebrum commotionis meta sedesque est, non sensus principium, quod in animo totum est sentiente per corpus ut intermedium, non ut instrumentum, nisi ex institutione. At à corpore animum affici tam est incomprehensibile quam solâ voluntate mentem afficere corpora. Sejuncta an conjuncta, remota an proxima sedes, inde est. Non ergo cerebrum sensus principium, nec doloris voluptati que sedes. Nihil tamen minus, solum hoc inter corporis partes initium sentiendi, rerum exteriarum quasi internuntius, nomenclatorque, quamdiu valet, cum nervis; quorum nullum est officium ad animam, nisi transmittendæ cerebro externæ impressionis.

I I I.

UT sensus à spiritibus ab ambitu ad cerebrum compulsi, ita motus ab iisdem à cerebro per nervos ad ambitum erumpentibus. Spiritus à cerebro (quod non glandula, sed glandularum agglomeratarum innumerabilium aggeries) ex sanguine colato per tubulos minutissimos, qui cruoris globulos excludunt. Hos spiritus insiti vi fermenti facit cerebrum, diffundens quaquaversum per nervorum pliusquam capillarium colliquias, quarum plurimæ ad viscera derivantur, non ad motum, imò sæpe nec ad sensum. Omnis motus à musculis aut muscularibus fibrillis solo spirituum affluxu dilatis, atque pro dilatationis modulo contractis. Paucorum spirituum accessione res agitur in carnibus spiritu jam turgentibus & ad equilibrium contentis. Spiritus, siue illi halitus quidam, siue liquor subtilissimus, ultrò citròque commutare faciles, tantò efficaciores quantò tenuiores. An subtiliores in vastioribus animalibus? Certè hos quadam virium immensitate pollere necesse est, à quibus movendi sunt muscoli ubique prope ad articulum & centrum motus affixi, locum ad facilitatem iniquum, sed ad motus citos magnosque percommodum. Hac arte perpauci spiritus, corpore debiles exilesque ac prope evanidi, sed tanto efficaciores, brevissimo tempore maximos motus edunt; divinâ mechanicâ, incredibili & certâ facilitate præstante, quod nusquam humana præstitit. Liquorem tenuem, & impetum quaquaversum à cerebri castello facientem, quæ causa coerceat modereturque; quibus valvulis dimittantur spiritus catulientes, admittantur refluui; quibus instrumentis valvule, si quæ sunt, in uno tubulo diversæ adversæ que pandantur vicissim atque contrahantur in alternis adversorum musculorum motionibus; quibus sint dispositæ stationibus; quibus hæ musculis aut fiduculis ducantur: magni naturæ mysterium, nec facile revelandum. Quanto majus & absconditus ignorat in omnibus penè hominibus. Hæc omnia præstari tam impie, tam subtilibus instrumentis; nec eo pacto corporis tantum proprii pondus pluscerum librarum moveri: sed insuper trecentarum ac plurium librarum pondera sistolli ad solum natum mentis creatæ, quæ cogitatione contentissima, vehementissima voluntate ne stipulam quidem movere potest, tam esset impossibile

quam incomprehensibile: nisi perpetuo³ juberet hæc fieri, animumque immensæ suæ potestatis aliquatenus participem faceret Is, qui *appendit Terram super nihilum*. Non ergo animus motus principium sed occasio; cerebrum autem motus principium, mentis imperio subditum.

I V.

U T vita sensu motuque partium percipitur, ita humorem motu perpetuo continuato stat, interpellato perit, qui perpetuus esse non potest nisi circulo. Hujus principium cor, musculus simul & alveus. Hic sphincteris instar cochleati, non sanguinis officina non scaturigo, sed influentis receptaculum, suscepti maestra, quaquaversum diffundendi promptuarium, æstia mirifica, adspirans, impellens, eodem sinu admittens remittereque, ipsa sibi embolum pellendo sanguini, dilatur non sponte sed aliena vi auricularum, ut auriculæ venarum impulsu, quamquam & partim sua vi per sanguinem refluxum quem pellit, quem totius corporis musculi contractione tum voluntariâ, tum naturali compellunt. Hoc motu sic stat vita, ut ab eo tota sit, quæ dicitur vis facultasque vitalis. Ut vita sine cordis motu, vel nulla, vel brevissima, sic motus cordis nullus nisi à cerebro sibi cæterisque partibus providente per partem, inter ministras quidem principem, sed tamen cerebri ministram. Perturbationes animi, maxime quæ ad tutelam vitæ pertinent, quales timor, ira, cor percellunt, sed percusso cerebro, & ejus impulsu cor exagitante; sanguinis cursum tardant incitantve, sed vel cordis motu mutato vel sanguine; nimirum explosis subito spiritibus in cordis carnem, & in sanguinis ac feri canales, aut iisdem revocatis per propagines nerveas, quæ in appendices cerebri, sanguineas albasve, numerosissimæ desinunt.

V.

U T solus chylus sanguinis materia, ita à sanguine humores præter chylum omnes, qui sunt tam numerosi quam partes publicæ, uno corde excepto; fortè & his numerosiores, Sanguis à se ipso. Hic, fermentum, quatenus cruore & sero constat omnium princeps; nisi prius esset quod in cor & sanguinem à cerebro per nervos influit. Ita, sanguinis fermentum, fomes est vitæ non constituenda sed continuanda, nec sponte effervescit, sed spiritibus à cerebro submissis motum ranciscitur. Horum auxiliis sibi sufficit, seque propagat, perpetuâ fermentorum lege dum his admiscetur nova congener materia ad effervescendum apta. Hæc chylus; ejus officina ventriculus per glandulas quibus sternitur; atque adeo ventriculus sanguinis scaturigo per chylum, sine quo vita brevis, non tamen hebdomadaria, nisi pueri. A primâ sanguinis in embryonis germine primulum se explicantis stillâ, tota paulatim succrevit in grandi perfectoque viro sanguinis moles, ut à scintillâ incendium. Ab ea quasi fomite, qui accenso igne sponte evanescit, eo ipso quod fomes est, tota vitalis flamma, quasi tæda per manus tradita aliis subinde accensis totum ævum traducitur. Hæc calidum, verè innatum, ut corpusculi minutissimi ac prope nullius humor, humidum, verè primigenium, quod brevi discissum sufficitur alimento, semper simile, semper aliud ut flumen; donec arietantibus incurrentibus noxis, fermentorum vis, duratis partibus exoluta, ætatis lapsu senectutem, & à senectute mortem afferat. Hujus color an primigeniæ materiæ molli tarda que concoctione, an ab instillato spiritu cerebri? Certe probabile intestinam exagitationem sanguinis primum effervescens, à spiritu cerebri esse oriundam, per quem cor aperte subulstat. An illi ipsi spiritus quibus cor movetur instar musculi, primam sanguinis guttam commovent, expanduntque? Certe qui per fibras nervorum, influit, omnia vis-

cerum fermenta afflatu suo perficit sanguini⁴ refundenda à visceribus, omnibusque omnino glandularum omnium globis glomeribusque, iis præcipue quæ non habent effluuium aliud à venis, qualia sunt maximè lien, thymus, capsulæque renales. Sed ut initio sæturæ stillans à cerebro fermentum in materiam sanguinis, primam ejus stillam effecit, primosque huic effervescenti dedit imperus: atque ut primos spiritus ad motus alternos cordis emisit, quibus agitata prima sanguinis stilla magis efferveret, ita per totum vitæ curriculum eisdem cordi motus, eosdem sanguini impertitur, idem fermentum omnibus suffundit partibus, distributis per innumerabiles nervos spiritibus in partes publicas, alimentis concoquendis, procreandæ soboli destinatas; in sanguinem & cæteros humores; denique in partes privatas omnes, ut alimentum proprium melius conficiant. Itaque cerebrum ventriculi fermentum perficit per spiritus, chylumque parat sanguini, quem paratum in se mutat spirituum fermento prægnans sanguis, traditque cordi circumagendum cum perfecto sanguine. Eundem à partibus, quas refecit, refluxum, & ea largitione pauperatum, cerebrum novis instaurat augetque copias per lympham trans globosas glandulas, multis nervulis intertextas, colatam atque elaboratam & cæteros humores utiles simili ratione segregat in reliquis visceribus, innumeris nervorum myriadibus aut frustra (quod vel suspicari ne fas) aut in hos usus distributis in eas partes quæ his funguntur muneribus, quarum nullus est motus, nec esse debuit ad ea munia, quæ melius obeuntur quiete, nec ullo sensu melius obeuntur, si per paucas excipias. Immo & idem præstat spiritus in his partibus publicis, quibus sensus motusque necessarius est, ut ventriculo, cui multo plures pluresque sunt nervi quam pro ratione motus sensusque necessarii, unde sit gravissimis doloribus obnoxius magno & gratuito discrimine, nisi damna discrimenque compensaret inevitabilis & hac ratione supplenda annonæ conficiendæ necessitas. Idem denique ultimum alimentum eodem pacto perficit in omnibus singulisque partibus, quæ interceptis spiritibus statim marcescunt, frigunt, macrescunt.

Ergo cerebrum omnium corporis functionum principium.

Domini Doctores disputaturi.

Petrus Boerhaave.

Joannes-Baptista-Renatus Moreau.

Nicolaus Pelletier.

Renatus le Comte.

Franciscus Afforty.

Nicolaus de Lomvanti.

Antonius de Caën.

Carelus de Laval.

Dionysius Dodart.

Proponebat Luteriæ PHILIPPUS IGNATIUS SAVE, Montensis,
Baccalaureus Medicinæ. A. R. S. H. 1688.

PARISIIS,

Apud Franciscum Muguet, Regis, & Facultatis Medicinæ
Typographum.